

Ed.

873. Nefndarálit

um frv. til l. um sameining Selfossbyggðar í eitt hreppsfélag.

Frá heilbrigðis- og félagsmálanefnd.

Frumvarp þetta er komið frá neðri deild, og varð nokkur ágreiningur um afgreiðslu málsins í deildinni og ýmsar breytingartillögur hornar fram.

Hefur nefndin nú athugað frumvarpið og formaður nefndarinnar (HG) átt tal við tvo menn úr hreppsnefnd Ölfushrepps, sem óskuðu þess, að frv. yrði breytt þann veg, að Hellisland ofan vegar með Ingólfssjalli verði ekki lagt undir Selfossbyggð, heldur látið fylgja Ölfushreppi eftir sem áður, og auk þess hafa hreppsnefndarmenn þessir haft orð á því, að þeir teldu hagkvæmt, að einnig sá hluti Hellislands, er liggur frá Ölfusá til Ingólfssjalls vestan þjóðvegar, verði áfram innan takmarka Ölfushrepps.

Ýmisir eru þeirrar skoðunar, að Selfossbyggðinni sé þörf meira landrýmis en frv. gerir ráð fyrir, einkum þegar fram í sækir. Þykir nefndinni einnig viðurhlutamikið að skerða meir en orðið er svæði það, sem hinum nýja hreppi er ætlað að taka yfir samkv. ákvæðum frv. Enn fremur er því halddið fram af sumum þeirra, sem hér eiga hlut að mál, að betur færi og hagkvæmara væri, að gildistaka laganna miðaðist við næstkomandi áramót í stað 1. júní þ. á.

Þrátt fyrir það, sem hér hefur verið tekið fram, dylst nefndinni ekki, að í rauninni er eigi nema um tvennt að ræða: samþykkja frv. eins og það liggur nú fyrir deildinni án allra breytinga eða eiga á hættu, að málidgangi ekki fram.

Nefndin telur þessa lagasetningu svo aðkallandi fyrir þá, sem eiga að henni að búa, að full nauðsyn sé á því, að frv. nái fram að ganga þegar á þessu þingi. Leggur nefndin því til, að frv. verði samþykkt óbreytt, en einstakir nefndarmenn vilja þó áskilja sér rétt til að fylgja breytingartillögum, er fram kynnu að koma.

BBen tók ekki þátt í afgreiðslu málsins.

Alþingi, 15. apríl 1946.

H. Guðmundsson,
form., frsm.

Lárus Jóhannesson,
fundaskr.
Steingr. Aðalsteinsson.

Hermann Jónasson,
með fyrirvara.